

此方嘔之方

加茯苓而眩悸愈知茯苓治木之方大矣

名醫方論卷二

新安羅東逸先生評定

慈水柯韻伯先生叅閱

小半夏湯 三方合論一條 金匱

嘔家本渴渴為欲解今反不渴心下有支飲故也

半夏 一升 生薑 半斤 以水七升煮取一升半分溫再服

小半夏加茯苓湯

治卒嘔吐心下痞悶間有水眩悸者

半夏 一升 生薑 半斤 茯苓 三兩 煎服如前



痰飲之症十居三四
者無不胃疼
逆道
普天下醫家無人能
知之者人立一說
無一動言之慨然

趙良字以德
居元
浦
人

外臺茯苓飲

治心胸中有痰飲宿水自吐出水復心胸間虛氣滿不能食消痰氣令能食

茯苓

人參

白朮

各二兩

枳實

二兩

橘皮

二兩

生薑

四兩

右六味水六升煮取一升八合分三服如人行八九里再進之

趙以德曰嘔為痰飲動中湧而出之嘔盡本當渴渴則可微支飲之全去今反不渴是其飲尚留去之未盡也用半



夏之辛溫生薑之辛散散其欲出之飲則所留之邪自盡矣。半夏生薑皆味辛可治膈上痰心下堅嘔逆目眩然悸必心受水凌必加茯苓以去水伐腎邪安心神也。後方加人參枳實橘皮此由上中二焦氣弱水飲入胃脾不能輸歸於肺肺不能通調水道以致停積為痰為宿水吐之則下氣因而上逆是為虛氣滿不能食常補益中氣以人參白朮為君茯苓逐宿水枳實調諸氣為臣開脾胃宣揚上焦發散凝滯則陳皮生薑為使也。其積飲既去而虛氣塞滿其中不能進食此症最多。





南京中医药大学图书馆版权所有

瀉白散 錢乙

治肺氣熱盛咳嗽而喘而腫身熱

桑白皮

地骨皮

甘草

水煎服

季楚重曰經云肺苦氣上逆上逆則上焦鬱熱氣鬱生涎火鬱生熱因而治節不行壅甚為喘滿腫嗽瀉白者正金之令驅氣之逆非劫金而瀉之也法使金清則氣肅桑根白皮稟西方燥金之氣甘辛能入肺而瀉氣之有餘地骨皮涼平調不足之陰能清陰中之火滋腎子以清母甘草益土和中且生能瀉火補土母以食子瀉補交致金元自



旁通白虎湯生
肺散二方

正於以佐桑皮而行諸氣之憤鬱鮮不達矣較之黃芩知
母苦寒傷胃者遠也夫火熱傷氣救肺之治有三傷寒邪
熱侮肺用白虎湯除煩此治其標內症虛火燦陰用生脈
散益陰此治其本若夫正氣不傷鬱火又甚則瀉白散之
清肺調中標本兼治又補二方之不及也

此方能治肺中之飲



地骨皮飲

治陰虛火旺骨蒸發熱日靜夜劇者婦人熱入血分胎前發熱者

四物湯加

地骨皮

牡丹皮

各三錢

水煎服

旁道補中益氣湯六味丸

柯韻伯曰陰虛者陽必瘵之故熱仲景曰陰弱則發熱陽氣下陷入陰中必發熱然當分三陰而治之陽邪陷入太陰脾部當補中益氣以升舉之清陽復位而火自熄也若陷入少陰腎部當六味地黃丸以對待之壯水之主而火自平也陷入厥陰肝部當地骨皮飲以涼補之血有所藏



旁通逍遙散

而火自安也。四物湯為肝家滋陰調血之劑。加地骨皮清志中之火。以安腎。補其母也。加牡丹皮清神中之火。以涼心。瀉其子也。二皮涼而不潤。但清肝火。不傷脾胃。與四物加知柏之濕潤而苦寒者不同矣。故逍遙散治肝火之鬱於本藏者也。木鬱達之。順其性也。骨皮飲治陽邪之陷於肝臟也。客者除之。勿縱寇以遺患也。二方皆肝家得力之劑。



種之症皆由降多
升少陽氣失司
所致

升陽益胃湯

治脾胃虛怠情嗜卧四肢不收時值溼熱體重節痛口
乾舌燥飲食無味大便不調小便頻數食不消兼見肺
病灑淅惡寒慘慘不樂面色不和

羌活

獨活

防風

柴胡

人參

白朮

茯苓

甘草

黃芪

白芍

半夏

黃連

澤瀉

陳皮

水煎服

吳鶴臯曰脾土虛弱不能制溼故體重節痛不能運化精
微故口乾無味中氣既弱傳化失宜故大便不調小便頻



數也。灑浙惡寒、肺弱表虛也。面色不樂、陽氣不伸也。是方
半夏、白朮能燥溼、茯苓澤瀉滲之。二活防風柴胡能升舉
清陽之氣、黃連療溼熱、陳皮平胃氣、參芪甘草以益胃白
芍酸收用以和榮而協差、防柴胡辛散之性。蓋古人用辛
散必用酸收、所以防其峻厲、猶兵家之節制也。

清脾飲 濟生

治痰積成瘧

青皮

厚朴

草果

半夏

柴胡

白朮

甘草

茯苓

黃芩

水煎服

柯韻伯曰瘧為少陽病治分六經邪留於募原有遠近之殊其發有虛實先後之異而此湯之治瘧實以痰積名之清脾者究其因而治其本也先喆云無痰不成瘧無積不成瘧是脾為生痰之源而積之不磨者亦因脾之不運也胃主內脾主消而胃為脾之表凡欲清脾必先平胃青皮



厚朴草菓皆氣味兼厚之品。取以倒陽明之倉。正以利大陰之輸也。然宿痰留結。更有藉於茯苓半夏之淡滲。是恐竒之不去。則耨之。所以攻脾之實者。平胃除痰。每相須耳。積因於寒。痰因於熱。是寒熱往來。爲瘧之標。而實爲痰積之本矣。必用芩柴以清之。更合於少陽之治。然此爲土中瀉火。不是直攻少陽。乃清脾之義也。火土平而無以善其後。則瘧之因實而成者。未免因虛而劇。甘朮之必須。又防微杜漸法耳。

升多降少

溫膽湯 千金匱

治熱嘔吐苦虛煩驚悸不眠痰氣上逆

竹茹

枳實

半夏

甘草

陳皮

生薑

右六味水煎服

羅東逸曰膽為中正之官清靜之府喜寧謐惡煩擾喜柔和不喜壅鬱蓋東方木德少陽溫和之氣也若大病後或久病或寒熱甫退胸膈之餘熱未盡必致傷少陽之和氣以故虛煩驚悸者中正之官以煊蒸而不寧也熱嘔吐苦者清靜之府以鬱炙而不謐也痰氣上逆者土家溼熱反

名醫方論
卷二 病後餘熱未盡



乘而木不得升也如是者首當清熱及解利三焦方中以
 竹茹清胃腕之陽而臣以甘草生薑調胃以安其正佐以
 二陳下以枳實除三焦之痰壅以茯苓平滲致中焦之清
 氣且以驅邪且以養正三焦平而少陽平三焦正而少陽
 正膽家有不清寧而和者乎和即溫也溫之者實涼之也
 若膽家真畏寒而怯屬命門之火衰當與乙癸同源而治
 矣又一不眠之症乃全真連阿膠湯酸棗仁湯說

方中一味生薑已足散胆中之寒痛醫則必以熱藥溫胆須知胆不清
 虛之腑每用熱補之理也



導赤散

治心熱小便黃赤莖中痛熱急不通

生地黄

木通

甘草稍

右三味水煎服

季楚重曰：經云兩精相搏謂之神，是神也者，待心中之真液，腎中之真氣以養者也。故心液下交而火自降，腎氣上承而水自生。前賢以生脉救真液是治本，不治標也。導赤散清邪火是治標，以固木也。錢氏制此方，意在制丙丁之火，必先合乙癸之治。生地黄涼而能補，直入下焦培腎水。

旁通生脉散



南京中医药大学图书馆版权所有

旁道浮心湯

之不足腎水足則心火自降无慮肝木妄行能生火以助
深○義○扶○出○
 邪能制土以盜正佐以甘草稍下行緩木之急卽以瀉心
 火之實且治莖中痛更用木通導小腸之滯卽以通心火
 之鬱是一治兩得者也瀉心湯用黃連所以治實邪實邪
 責木之有餘瀉子以清切也導赤散用地黃所以治虛邪
妙○諦○
 虛邪責水之不足壯水以制火也此方涼而能補較之用
 苦寒伐胃傷其生氣者遠矣



芍藥湯 潔古

治滯下赤白便膿血後重諸證

芍藥 三兩

當歸 各五錢

黃連 各五錢

檳榔 調氣

木香 調氣

甘草 各二錢

桂 半錢

黃芩 五錢

每服半兩水煎服痢不減加大黃

羅東逸曰本方註云洩而便膿血知氣行而血止也行血

則便膿自愈調氣則後重自除至今推為要言然非知本

之論也夫滯下本太陰病長夏令行土潤溽暑太陰本虛

暑溼不攘土溼則木鬱木鬱則傷土太陰失健運少陽失

